



2010 年度

滑鐵盧大學中文話劇學會呈獻

虧心事

Scene 1

(場境：案發現場)

人物：林 SIR, 華)

林 SIR：而家咩環境？

華：死者係一名中國籍女子, Hilary Lam. 身高 5 尺 1. 我 check 過佢銀包, 所有財物都係到, 無爭扎過既痕跡, 法醫推斷係從高處墜下, 初步估計係自殺或者謀殺案, 但真正死因要有待法醫既驗屍報告先知.

林 SIR：咁你而家去查下死者既背影, 死之前接觸過咩人, 最近有無同人結怨....呀, 順便買杯咖啡俾我.

華：收到! 我仲發現左死者 send 過 sms 比 6 個人, 相信係死者係死前最後聯絡既人. 我會盡快同呢 6 個人聯絡.

林 SIR：好, 盡快同佢地落口供. 記得我杯多奶少糖.

(場境：警局)

人物：林 SIR, 華, 誠, 神婆, 大口強)

華：Sir, 你返黎啦? 你杯多奶多糖.

林 SIR：唔. 發現左 D 咩?

華：我同左呢 6 個人落完口供, 佢地承認收過死者既短訊, 都有去到個 meeting, 但當講到 meeting 既內容, 同埋同死者既關係時, 頭個三個人既反應都係預料之耐....但另外個三個人既反應有 D 誇張, 古怪....

林 SIR：唔....咁你點睇?

華：終合黎講, 其實大家都係話出黎聚舊, 大部份口供都一致. 只係各人反應有出入....

林 SIR：暫時我都無咩頭緒. 雖然大家都只係話出黎聚舊, 但大家既反應又咁大出入：有 D 過份激動, 有 D 又過份冷淡....佢地好似好刻意回避問題咁, 想隱瞞當日傾過 D 咩....但直覺話我知單案唔係想像中咁簡單....

仲有, 我要多奶少糖, 唔係多奶多糖....

Scene 2

(場境：誠家)

人物：誠, 神婆, 大口強, Gil, Simon, 傻仔浩)

誠：到底發生咩事? 明明話左唔做野住架嘛, 點解 Hilary 無啦啦死左架?

各：(dead silence)

大口強：(激動) 你地個個做咩咁望住我呀! 咩意思呀而家! 唔關我事架, 我咩都無做過架....

GIL：大口仔, 你又唔洗咁激動....你咁大反應人地仲覺得你心虛添....

大口強：(激動) 咩心虛呀, 你就心虛....我行得正, 企得正....係....我上一次係大反應左少少....但唔好屈得就屈嗎....

傻仔浩：(思考) 咁....會係邊個呀?

大口強：(無奈) 呀傻仔浩, 你可唔可以問 D 有建設性 D....既問題呀! 傻仔真係傻仔....無叫錯你架!

神婆：(陰深) 會唔會....係佢返左黎呀....?

GIL：(心虛) 下? 唔係 ya....咪講埋 D 邪野啦....

傻仔浩：(驚) 下....咁點算呀, 大家都會死架喎咁....我唔想死住喎....

Simon：D 鬼神野我唔信既! 會唔會係有人知道我地做左 D 咩而返黎搵我地報仇呀....

神婆：(堅持) 唔係呢....我算過啦....呢個只係開始黎架 ja....仲會有事發生架....

大口強：死人神婆, 成日講埋晒 D 咁既野....世界上邊有咁多鬼呀....係咪你殺左人賴落 D 鬼到呀....定你鬼上身, 做左都唔知呀....唉, 都唔知你係人定係鬼....

神婆：(黐) 你....

Simon：其實死左都無壞 ya....只有死人先守到秘密架嘛....

大口強：係囉....Simon 仔今次就講得岩啦....早死早著....

eh! 唔好咁望住我, 唔好比我講中, 你地個個都咁諗架啦....我只係講出你地既心聲啫....

神婆：(否認) 你講咩呀，咩我地既心聲呀，你既心聲咋...你既心聲唔代表我既心聲喎!
我同 Hilary 不撈都好 friend 架啦! 點會殺佢呀!

GIL：(寸) 係喎...你同個個都 friend 架啦....

Simon：而家就賴係熟...都唔知邊個個年一有事就第一個閃走左....

大口強：(心涼) 係啦，好 friend 架佢地.....friend 到要殺死佢呀嘛!

神婆：講咩呀你! 大口仔，咪下下(dern)住晒喎! 係咪其實你自己殺完人想轉移視線
咋....

大口強：我係個兇手，第一個就殺你啦!

傻仔浩：哦...原來你就係兇手....

大口強：(撈) 你收嚟啦傻仔浩! 再講就....

誠：(大聲) 夠啦! 唔好再嘈啦! 再嘈落去都無結果架啦!
我而家只係想知大家同警察講左 D 咩啱!